

№ 32

2 გიორგობისთვე 1914 წ.

გიილეზა ხელის მოწერა

წლიური ფასი

≡ 5 მან. ≡



შოველ კვირეული საზოგადო-ეკონომ.


მიური და სალიტერატურო უზრუნალი

წელიწადი მესამე

ცალკე ნომერი 10 კაპ.

რედაქცია ლია 9-3 საათამდე.

მისამართი: თბილისი, Габаевский пер. № 3 რედაქცია „კლდე“. დეპუტისა: თბილისი, კლდე.



ერთ-ერთი სახელოსნო კრუპის ზარბაზნების ქარხანაში გერმანიის ჰესენში, სადა მ'აღდგება „კატრა“ ზარბაზნები.



1. ომი და ჩვენი მატანე.—შამქორისა. 2. ქართლი —რ. გ.—ესი. 3. მასალები სს-  
 მელიორანტო კრებისათვის.—მკვიდრისა. 4. მწუხრის უსმობანი. Candide-ისა. 5. უერ-  
 ს ა რ ჩ მ ვ ი: ნალ-გაზეთებიდან. 6. ნ. ნიკოლაძის წერილი. 7. ბ-ნ ნ. დუბროვსკის.—რ. გ.—ესი. 8.  
 თეატრი და ხელაწიება.

# ომი და ჩვენი მატანე

## II

ოსმალეთის მიერ ომის გამოცხადების შემდეგ ჩვენთვის ამ მსოფლიო ტრაგედიის ახალი, თუ შე-  
 იძლება ითქვას, ფაზისი დადგა.

ჩვენი ცხოვრების სოციალურ-პოლიტიკურ პი-  
 რობების გამო ის, შედარებით სხვასთან გადამეტე-  
 ბული, პირადი და ქონებრივი სამსახური, რომელ-  
 საც ვეწეოდით საერთო სახელმწიფოსთან, არ გვაკ-  
 მარა ბედმა და ახალი მსხვერპლი და ზვარაჯი მო-  
 ითხოვა ჩვენგან.

როგორც მოსალოდნელი იყო, რუსეთ ოსმა-  
 ლოს სამხედრო მოძრაობა ჩვენი ქვეყნის საზღვარ-  
 ზე ატყდა, და თუმცა ჯერ ისეთი საპატიო საბუთი  
 არა გვაქვს რა, მაგრამ შესაძლებელია ჩვენი  
 ქვეყანა ომის ასპარეზად გადაიქცეს.

როგორც ჩვენმა ურნალმა, (№ 31—მეთაუ-  
 რი) ისე სხვა ქართულმა გაზეთებმა გაითვალისწი-  
 ნეს ეს მოვლენა და შესაფერი რჩევა და დარიგებაც  
 მისცეს ქართველ საზოგადოებას.\*) ჩვენ არ გავიმეო-  
 რებთ ამას, რადგან არა ვთვლით შემატინის მოვა-  
 ლეობად. ჩვენი მოვალეობაა—აღვნიშნოთ ის, რაც  
 უკვე მოხდა. ამ ერთი კვირის განმავლობაში, მომ-  
 ხდარ ამბებს კი დიდი საზოგადოებრივი მნიშვნე-  
 ლობა აქვთ. თბილისის ჭ ქუთაისის თავად-აზნაურობამ  
 გადასწყვიტა დააარსოს ცხენოსანი და ქვეითი რაზ-  
 მები, ქართველმა მოსწავლე ახალგაზრდობამ სა-  
 უნივერსიტეტო ქალაქებიდან უკვე გამოსწია მოხა-  
 ლისეთა რაზმების გასაძლიერებლად. ერთსაც და  
 მეორესაც ჩვენთვის, ვიმეორებთ, დიდი საზოგადო-  
 ებრივი მნიშვნელობა აქვს. თვითონ ფაქტი ჩვენის  
 ახალგაზრდობის სამშობლოსაკენ წამოსვლესა გვი-  
 კარნახებს ჩვენს მომავალს მოქმედებას. ძვირფასია

ჩვენთვის მიწა წყალი, წმიდაა ჩვენი კერა და აქე-  
 დან ფენის მოცვლა ყველა ქართველისათვის სიკ-  
 ვდილი და თავის მოკრა უნდა იყოს! სამშობლოში  
 უნდა შევხვდეთ ყოველივე გასაქირს, თუ ბედმა  
 გვარგუნა იგი, და სამშობლოშივე, მასთან ერთათ  
 მოვინელოთ იგი!

ეს ახალი შენაწირიც სამშობლოს წინაშე არის  
 იმავე მაღალი მოქალაქობრივი საერთო გრძნობით  
 გამოწვეული, როგორც პირველია. მათ, ვისთვისაც  
 გათახსირებულ სინიდის—გონება დაუღშვია, და  
 არ ხედავენ იმ წმიდა და დიდს წსვერპლს, რო-  
 მელსაც პატარა საქართველო სწირავს დიდ სამშობ-  
 ლოს, თავიც რომ გასწიროს საბოლოოდ—თვალებს,  
 განგებ დაბრმავებულს, ვერ აუხილავთ, დაბნელებ-  
 ბულ სინიდის, ვერ გაუღვიძებთ, ვერც რაზმების  
 დაარსებით, ვერც სხვა რამით. მაგრამ ჩვენდა სა-  
 სახელოდ, როგორც წინა წერილშიაც გვქონდა  
 მოხსენებული, ქართველ ხალხს, სულ სხვა წმიდა,  
 ფაქიზი და ს ამაყო გრძნობა ამოძრავებს, გრძნობა  
 თავის მოქალაქობრივ მოვალეობის შეგნებისა.

რაზმის დაარსება ეს, თუ შეიძლება ასე ით-  
 ქვას, ჩვენი ზედ მეტი მოქმედებაა, ზედმეტი, რად-  
 გან ჩვენი ტერიტორია, რომლის დასაცველად არს-  
 დება რაზმები, უნდა დაიცვას და უმთავრესად დაი-  
 ცავს კიდევ ის საერთო სახემწიფო ძალა, რომლის  
 რიგებში ასე ღირსეულად იბრძვის დღეს საქართვე-  
 ლო, თავის საუკეთესო შვილების სხით.

მაშასადამე ამ ზედმეტ თავსუფალ ეროვნულ  
 ძალას სულ სხვა ფასი უნდა დაედოს, მიეცეს სა-  
 შუალება ღირსეულად მიიტანოს შეუღახველი ეროვ-  
 ნული დროშა იმ საერთო ძმობისა და ეროვნულ  
 თანასწორობის მომხიბლელ მდგომარეობამდი, რო-  
 მელიც დაუსახა რუსეთს უმაღლესმა მთავარსარდალ-  
 მა თავის ისტორიულ მანიფესტში პოლონელ ერის  
 მიმართ.

თვით ფაქტი ეროვნულ რაზმის დაარსებისა და  
 ქართველ სტუდენტობის სამშობლოსაკენ წამოსვ-  
 ლისა გვიჩვენებს გზას ჩვენი ეროვნული მოქმედები-  
 სის. ქვეყანა იგროვებს ძალას კარზე მოსულ უბე-

\*) ეს წერილი უკვე აწეობალი იყო, როცა „ახალ  
 იურიაში“ დაიბეჭდა, დღევანდელ ნომერში გადამბეჭ-  
 დილი ნ. ნიკოლაძის წერილი.



დურობის თავიდან ასაცილებლად და „ქუდზე კაცი“ რომ მოგვიჩვენოს, მოვალენი ვართ დავიცვათ სამშობლო კერა, ძვირფასი მიწა წყალი.

ასეთია ჩვენი ეროვნული ძალის მსვლელობა. დღესაც ისეთივე მაღალი და კეთილშობილი თვისებების მოქალაქობრივი გრძნობით გამოწვეული, როგორც წინად აღნიშნული.

სხვა აზრი და სარჩული არააქვს ამ მოვლენას. ძნელი საფიქრებელია, ვისიმე გულის მოგება ჰქონოდათ სახეში რაზმების დამაარსებელთ, რადგან ვისაც გული და სინიდისი იქამდის დახშული აქვს, რომ იმ ღირსეულ და თავგანწირულ სამსახურს, რომელსაც ეწვევიან დღეს ქართველები ბრძოლის ველზე, არ ხედავს, რაზმები-კი არა მთელი ჩვენი სი-ცოცხლეც რომ სამსხვერპლო კოცონზე მივიტანოთ, ვერ დაინახავს.

მაშასადამე რაიმე ამ გვარ აზრს, არავითარი ადგილი არა უნდა ჰქონდეს ამ მოვლენის აღსნაში, მით უმეტეს, რომ დამაარსებელთ წარმოდგენილი ექმნებოდათ, თუ რა საჭირო ძალას აცლიან ხელი-დამ ჩვენს ქვეყანას. ექვი არ არის, რომ უმთავრესად, შეიძლება ითქვას განსაკუთრებითაც კი, რაზმი თავად-აზნაურობით შეივსება, როგორც უფრო თავისუფალი და სამხედრო ტრადიციით სავსე კლასით. არაფერს ვიტყვი მათზე. ვინც გლუბაკობიდან მოჰყვება რაზმს. მათი, როგორც მშრომელი კლასის, მნიშვნალობა. ქვეყნისათვის, ცხადზე უცხადესია. თავად-აზნაურობის უმე-ესობაც ის ელემენტი იქმნება, რომელმაც უკვე დაჰგმო კლასობრივი შეხედულებანი, შეურიგდა აუცილებლობას, უკუ-აგდო რუტინული ტრადიცია, მოჰკიდა ხელი საქმეს და მეტად სასარგებლო და სიმპატიურ მუშაკად გადაიქცა, იქამდის სასარგებლოდ, რომ დღეს დაბეჩავებულ სოფლის წინმსვლელობის საქმეში საგულასხმიერო ინიციატივას იჩენს, თავში უდგება საამხანაგო და კოოპერატიულს დაწესებულებათ, მხურვალე გულით ეწევა საერთო საქმეს. უფრო მეტს დანაკლისს წარმოადგენს სტუდენტობა. მოსკოვში, პეტროგრადში და სხვა საუნივერსიტეტო ქალაქებში ქართველი ახალ გაზრდობა მოხალისეებად ასობით ჩაწერილა. აშკარაა, თუ რა არის ქვეყნისათვის რამდენიმე ასი ენერგიით სავსე, ახალგაზრდური ხალხით გატაცებული, კულტურული მომუშავე.

ყველა ეს, რასაკვირველია მხდველობაში ექმნება და რაზმების დამაარსებელთ და საფიქრებელია ისიც, რომ ჩვენთვის ასეთ საჭირო და ძვირფასს ძა-

ლას შესაფერ ხვედრს და ღირსეულ სამაგიეროხედაც იზრუნავდნენ.

ასე შესძრა ჩვეულებრივ მყუდროებიდამ ჩვენი ერის ძალები ამ საშინელმა ომმა. არც სხვა რომელიმე მხარე ჩვენის ცხოვრებისა დარჩა მას ნიშანდაუდებელი, მაგრამ ამაზედ შემდეგ.

შამქორი.



# „ქ ა რ თ ლ ი“

კვირას,ყოფილ სემინარიის დარბაზში ღირს შესანიშნავი ამბავი მოხდა. აკურთხეს კოოპერატიული მალაზია „ქართლი“, რომელიც გახსნა შუაგულ საქართველოს მეხილეთა საზოგადოებამ. ქართველ საზოგადოებას თამამად შეუძლიან სთქვას, რომ ჩაიყარა საფუძველი არა მარტო გორის მაზრის, არამედ მთელი ქართლის მეხილეობის აღორძინება-განვითარებისათვის. მკითხველმა კარგად იცის დიადი მნიშვნელობა კოოპერაციისა და ნათლად წარმოიდგენს თუ ეს ახალი საქმე როგორ ერთბაშად სცვლის ელფერს მთელი ქართლის პრიმიტიული მეურნეობისას, ნამეტნავად მისი დიდი ნაწილისას, სახელდობრ მეხილეობისას. დღევანდლამდის ერთად ერთი ფაქტიური პატრონი და მოგების მომხდელი ამ მშვენიერი დარგისა იყო—ბაყალი; ის ბაყალი, რომელიც უსაზღვროდ და უკონტროლოდ ჰყვლევდა და მეურნეს, მწარმოებელს—ფასდაკლებით, რომ ასევე უსაზღვროდ და უკონტროლოდ ეყვლიდა მომხმარებელი—ფასის აწევით.ქართლის მდიდარი ბუნება, მისი გამრჯელი ხალხი დღეს ახალ გზას დაადგა და მისმა უნარმა, შეგნებამ მთელი ქართველი საზოგადოების თანაგრძნობასთან სოლიდარულად უნდა იაროს, რომ დასაწყისი კეთილი გაიზარდოს იმ დიად მიზნამდის, რომელსაც ჰქვიან საერთო კოოპერაცია მწარმოებელი და გამსაღებელი.

ქართლი, მთელი საქართველოს გულია და მისი აღორძინება ეკონომიური, მისი შეკავშირება ერთ ნიადაგზედ გამოიწვევს შეერთებას სხვა ნიადაგებზედაც და საქართველოს სხვა ნაწილებთანაც. ახალი საზოგადოება ახალი საქმით, თავისი მიზნებით გვაგონებს მეორე საზოგადოებას, რომელსაც საძირკველი ჩაეყარა ამ ოცი წლის წინად კახეთში, —ეს გახლავთ საზოგადოება „კახეთი“, რომელმაც თავს იდგა მელდინეობის საუკეთესო რაიონის გაერთიანე-



ბა კოოპერატიულის მიზნით. მართალია ეს საზოგადოება ბევრი ხელშემშლელი მიზეზის გამო გაიყინა ისეთ ფორმებში, რომელთაც ძირითადი ცვლილება სჭირიათ თვისი დიადი მისიის შესასრულებლად, მაგრამ მისი კეთილდღეობა ვგონებთ მაინც უზრუნველყოფილია. მისი ნაცადი კარგი სკოლა იქნება ახალ საზოგადოებისთვის, რომ აიცილნოს თავიდან შეცდომანი და ანოლოგიურ საქმეს უფრო ფართე და უფრო ღირსშესანიშნი გასაქანი მოუპოვოს.

ღვინის ბაზარი დღეს საუბედუროდ გაუქმებულია გაუგებრობის და უცნაურობის მიზეზით, დღეს შეზღუდულია ყოველგვარი ვაჭრობა, დღეს დაცემულია და კრიზისის განიცდის მეხილეობაც სხვა სამეურნეო დარგებთან ერთად და მით უფრო საგულისხმიერაა სწორედ ასეთ დროს მეხილეობის ამხანაგობის მოქმედება პრაქტიკულ ნიადაგზედ. ამხანაგობა ასაღებს იმ ხილს, რომელსაც გაუშაძლარი ბაყლები დღეს ჩაღის ფასადლა ყიდულობენ მარტო იმ მიზეზით, რომ სარგებლობენ ომით. დღევანდელი პატარა საქმე, უნდა გაიზარდოს ისეთ მძლავრ კოოპერაციად, რომელიც შეაერთებდეს მთელი ქართლის მეხილეებს, რომ მომავალს ძლიერი ეკონომიური ორგანიზაციის სახით დახვდეს და დღევანდელი უბადლო კრიზისის რისხვა გაანელოს ცოტაოდნად მაინც.

მაგრამ ამ თეორიულად ძვირფასს საქმეს უნდა პრაქტიკულად დახელოვნებული ორგანიზაცია აუდგეს სათავეში, რომ საღმა პრინციპებმა ხორცქშეისხან.

ჩვენ გულწრფელად უსურვებთ საქმის დამწყობთ ასეთი ორგანიზაციის შექმნას და თავიდანვე გვინდა რჩევა მიცვთ - ეს საქმეც არ გახადონ კერძო გაწამაწიის სარბიელად. გვინდა ორიოდე პრაქტიკული შენიშვნის მიცემა, რომელთაც იწვევს უკვე გაკეთებული საქმე.

კვირანდელი კურთხევა უფრო სადემონსტრაციო ხასიათს ატარებდა, ვიდრე ნამდვილ საქმის ცოდნით გაქდნთილ სურათისას. თვით მალაზია მოუწყობელი და ცარიელი იყო და, როგორც ეტყობა, გარდა განსაზღვრული ხილეულობისა (თუმცა მართლაც მშვენიერისა) არც არაფერი გაიყიდება, რაც მეტად შეაფერხებს ვაჭრობას. მეორეც, ყველანი სახტად დასტოვა თავმჯდომარის უცნაურმა განკარგულებამ რომ არაფრის ყიდვა კურთხევის შემდეგ არ შეიძლებაო. ეს პირველივე არაკოლექტიური ნაბიჯი როგორღაც არღვევდა იმ საერთო აღფრთოვანებას, რომელიც გამოიწვია საქ-

მის დაწყებამ და მღვდელის მშვენიერმა სიტყვამ.

სრული იმედი უნდა ვიქონიოთ, რომ ეს საზოგადო საქმე, რომელსაც დიდი მომავალი აქვს უნდა საზოგადო კონტროლს ექვემდებარებოდეს და რაც შეიძლება მალე ფართო საზოგადოებრივ ხასიათს მიიღებდეს წვერთა საზოგადო კრების მოწვევით. ეს დიდი საქმე არ უნდა გაპყვეს იმ შეცდომებს, რომელთაც არა ერთი ამისთანა დაწყებულობა დაღუპეს. ეს მით უფროა საჭირო, რომ აქამდის ყველა ქართული საქმე და ორგანიზაცია კოქლობს არასაზოგადოებრივი ელემენტების ზეგავლენით.

კიდევ და კიდევ უსურვოთ ამ ნორჩ საქმეს კეთილდღეობა და დღევრძელობა.

რ. გ.

## მასალები სამეკლიორაციო კრებისათვის

(გავრძელება)

მომხსენებელი ა. ე. ბერეზოვსკი უკეთებს ანალიზს მიწათმომქმედ დეპარტამენტის 1914 წლის ხარჯთ აღრიცხვის უმთავრეს თვისებებს და ამბობს: „1908 წლიდან დაწყებული მიწათმომქმედ დეპარტამენტის ხარჯთაღრიცხვა წლითი წლობით იზრდება დიდის სისწრაფით და 1914 წელს აღის 34.927,461 მანეთამდე. 1914 წლის გასავალი 5.500,000 მანეთით აღემატება 1913 წლის გასავალს. გასავლის ასეთი გადიდება სოფლის მეურნეობის გულისათვის, რასაკვირველია, კმაყოფილების სასიხარულო გრძნობას გამოიწვევდა და არა სხვა რამეს, რომ ერთი მხრით სასოფლო-სამეურნეო მრეწველობის განსაკუთრებული თვისებანი და მეორე მხრით კრედიტის გაღების წესი არა ჰხრიდეს ფიქრებს უნებურად პესიმისტურ მოსაზრებისაკენა.“  
 ბ-ნი ბერეზოვსკი თავის მოხსენებას შემდეგი სტრიქონებით ათავებს: „საკითხები, რომელიც ეხება ბიუჯეტსა და გლეხთა მეკომურების ამნაზღაურებელ ძალებს, მიწათმფლობელობის პირობების შეცვლასთანა და გადასახლებასთან ერთად და იმ საშუალებებთან ერთად, რომელსაც ხმარობენ მიწის ნაკლებობასა და ნადეღების სიწვრილმანესთან ბრძოლაში, თქმა აღარ უნდა, სრული და დაუღალავის ყუ-




რადღების ღირსია, როგორც ადგილობრივ თვით-მარჯველობის ორგანოებისა, აგრედვე მთავრობისა. მაგრამ ეს ასე არ არის, ნამდვილად გახვიადებული არ გეგონათ. ამ საკითხებს მხოლოდ ერთი-ორი ადამიანი თუ ეცნობება ხოლმე, ისიც ცნობისმოყვარეობის გამო, თორემ სხვა არაფერია.

სად არის საორგანიზაციო საკითხები, რომელიც დაკავშირებულია ახალ მეურნეობის მოწყობასთან, და სტატისტიკური და ეკონომიური ცნობები, რომელმაც უნდა ჩვენ წარმოგვიდგინოს სოფლის ქონებრივი ევოლიუციის სურათი? განა ცოტაოდენ ყურადღებას მაინც აქცევს ვინმე? არა, მთავრობისა და ერობის თანამედროვე თანამშრომლობა თვალებს იხვევს ამ საკითხებზე, ესტკბები მოჩვენებულ კეთილდღეობის ქრელი სურათით, რომელიც არის გამოწვეული უხვად მოფანტული მოწყობებით, რომელიც გამოიხატება სასოფლო-სამეურნეო იარაღისა, სიმენტალისა და სხვა ხარების დარიგებაში, პროცენტიანი და უპროცენტო სესხის გაღებაში, გაცემაში და არგაცემაში, ხშირად ახალ მეურნეობის არარსებულ წინ წაწევის დაჯილდოებაში და სხვ.

ჩვენ ეხლა გლახთა მეურნეობასა და თვით გლახთა წრის ღრმა ცვლილებას განვიცდით.

საქირია ამ პროცესის გაადვილება; ეს მაშინ არის შესაძლო, როცა ცენტრალური მთავრობა სრულ ნდობას გამოუცხადებს არამც თუ მარტო ერობას, აგრედვე ხალხსაცა. ცენტრალური მთავრობა მაშინ მიიღებს ქვეყნისაგან ნამდვილ დახმარებას, როცა შექმნის ახალ თვითმმართველ ერთეულებს და რეფორმებს შეიტანს ძველ ერობაში და ამით განახორციელებს ზემოთ ხსენებულ ნდობას. სანამ ეს არ იქნება, მანამ ყოველნაირი მოსყიდვა და დაჯილდოება მცხოვრებლების ცალკე ჯგუფებისა არაფერ სარგებლობას მოიტანს, და მხოლოდ მთავრობის შემოქმედებით იდენის უძლეურობის დემონსტრაცია იქნება.“

მომხსენებელმა ზ. კაცენელენბაუმმა (ავტორი ამ მოკლე ხანში მეორედ გამოცემულ შრომისა— „მელიორაცია, მელიორაციული ამხანაგობა და მელიორაციული კრედიტი რუსეთში“) მოსკოვის სასოფლო-სამეურნეო საზოგადოების საერთო კრებას თავის შრომაში— „მელიორაციული დეპარტამენტი და მისი 1914 წ. მოსაზრებანი“— შემდეგი მეტად საგულისხმიერო ცნობანი მიაწოდა.



გერმანული ჰაეროპლანი, წართმეული თავ. ერის-თავისაგან.



ამ ხანად მიწათ-გაუმჯობესების განყოფილება, — ამბობს ბ.ნი კაცენელენბაუმი, — როდის არის ერთად-ერთი ორგანიზაცია, რომელიც უძღვება მთავრობის მელიორაციულ მოღვაწეობას. ამ ორგანიზაციასთან ერთად, მიწათა ძირიან-გაუმჯობესების საქმეს აკეთებს აგრეთვე 1909 წ. მიწათ-მომქმედ დეპარტამენტთან აღმოცენებული ორგანიზაცია საქაობო კულტურის სპეციალისტებისა და ინსტრუქტორებისა, გადასახლების მომწყობთა უწყება, სატყეო დეპარტამენტი, სასოფლო ეკონომიის განყოფილება და სასოფლო-სამეურნეო სტატისტიკა, რომელთანაც მელიორაციულ კრედიტის ფონდი არსებობს.

მაგრამ ყველა ამ დაწესებულებათა მოღვაწეობას მეორე ადგილი უჭირავს შედარებით იმასთან, რასაც აკეთებს მიწათ-გაუმჯობესების განყოფილება, რომელსაც შეიძლება ვუწოდოთ, ჩვენი მელიორაციული დეპარტამენტი.

უმნიშვნელო ხარჯებიდან დაწყებული, რომელიც რამდენიმე ასი ათასი მანეთით განისაზღვრებოდა, განყოფილების გასავლის ხარჯთ-აღრიცხვა 4-5 წლის განმავლობაში აყვანილია 13 ნახევარ მილიონ მანეთამდე, და რუსთა საზოგადოებისათვის არც ისე ინტერესს მოკლებულ საგანადა ხდება ის, თუ როგორ აპირებს ამ მილიონების დახარჯვას მიწათ მომქმედი უწყება,

მიწათ-გაუმჯობესების განყოფილების უკანასკნელი ხარჯთ-აღრიცხვის ინტერესი უკურო შესამჩნევად იზრდება შემდეგ გარემოების წყალობით.

როგორც ცნობილია, სახელმწიფო სათათბირომ სურვილი გამოსთქვა, რომ რომანოვების დინასტიის 300 წლის იუბილეს აღსანიშნავად მთავრობას დაეხარჯა უახლოეს წლების განმავლობაში 150 მილიონი მანეთი მელიორაციაზე და ამით დაედო სათავე ფართო მელიორაციულ შრომისათვის სახელმწიფო სათათბიროს სურვილის შესაფერად, — მიწათ-მომწყობისა და მიწათ-მომქმედის მთავარ გამგეობას მიწათ-გაუმჯობესების განყოფილებიდან შეაქვს სათათბიროში კანონ-პროექტი სამელიორაციო საქმისათვის 150 მილიონ მანეთის გაცემის თაობაზე 1915—1919 წლების განმავლობაში შემდეგის ჯამების ჩვენებით:

1915 წლისათვის	—	15	მილიონი მან.
1916	—	25	„ „
1917	—	30	„ „

1918	„	—	40	„ „
1919	„	—	40	„ „

150 მილიონი მანეთი განზრახულია დაიხარჯოს მიწათ გაუმჯობესების განყოფილების ხელით, და ამგვარად განყოფილების 1914 წლის 14 მილიონიანი ხარჯთ აღრიცხვა წმრმოადგენს სათავეს გრანდიოზულ ხარჯებისას, რომელთანაც შემდეგი წლების ხარჯები მჭიდროთ არის დაკავშირებული.

ამის წყალობით უფრო და უფრო იზრდება ინტერესი მიმდინარე ხარჯთ-აღრიცხვისა, რომელიც უთუოდ უნდა განხილულ იქმნას მელიორაციულ საქმეთა უწყების განზრახვებთან ერთად.

რაკი განზრახული აქვს ამ მოკლე ხანში დახარჯოს მელიორაციულ საქმეზე ას მილიონობით ხალხის ფული, მიწათ-მომქმედ უწყებამ უნდა, რასაკვირველია, იქონიოს დაწვრილებითი ორგანიზაციული გეგმა, უნდა მისხლივ მისხლივ იცოდეს, როგორ დაიხარჯება ეს მილიონები.

როგორც ჩვენ გვგონია მელიორაციულ საქმეთა ორგანიზაციული გეგმა უნდა შეიცავდეს სამ ელემენტს: 1) უნდა იყვეს ნაჩვენები, როგორ იქნება აგებული შიგანი ორგანიზაცია მთავრობის ტექნიკურ ძალებისა და რა საფუძველით უნდა იმოქმედოს ამ ორგანიზაციამ; 2) უნდა იყოს გამოკვეთილი სხვა დაწესებულების, ერობისა, სასოფლო სამეურნეო საზოგადოებათა და თვით მცხოვრებლების როლი, და აგრეთვე უნდა იყოს ნაჩვენები, როგორი დამოკიდებულება იქნება, მელიორაციების წარმოების დროს, ერთი მხრით მთავრობისა და მეორე მხრით ხსენებულ დაწესებულებათა და პირთა შორის; 3) უნდა იყოს აღნიშნული, როგორ განაწილდება ხარჯები თვითიერ მელიორაციების შორის და რაიონების შორის.

უკანასკნელი ათი წლის განმავლობაში, განაგრძობს ბ. კაცენელენბაუმი, მთელ რიგ გუბერნიებში არსდება საერობო მელიორაციული ბიუროები, რომელთაც, რასაკვირველია არ შეუძლიანთ მარტო პასიური მაყურებლები იყონ იმ საქმეში, რომელსაც სათანადო გუბერნიებში მთავრობის ინტერესები მოიქმედებენ; ხომ უნდა რაიმე დამოკიდებულება ჰქონდეთ ამ საქმეებთან საერობო ბიუროებს, მაშასადამე, უნდა წინასწარ შემუშავებული იყოს მთავრობასა და ერობის შორის ურთი-ერთი დამოკიდებულების გეგმა ამ საქმეებში; ამასთანვე იბადება საქმეების ხელშეღწეანელობისა და მოქმედების სფეროს განწილების საკითხი, თუ რა სახისა



უნდა იყოს თანამშრომლობა, რა მონაწილეობა უნდა მიიღოს ერობამ ფინანსების მხრით და სხვა კიდევ ბევრი ამისთანა. ყველაფერი ეს წინდაწინვე უნდა იყოს გამორკვეული და განსაზღვრული, რომ პირველ ნაბიჯების გადადგმისთანავე საქმისათვის მაგნე მიხვლა-მახვლამ არ წამოიყოს თავი.

ნაკლებად უმნიშვნელო არ იქნებოდა აგრეთვე, რომ გამორკვეულიყო თავიდანვე, რა როლი უნდა დაიკავოს მომავალ შრომაში თვითონ მოსახლეობამ.

მოსახლეობას არ შეუძლიან გულ-ხელი დაიკრიფოს და ისე უტკიროს მელორაციულ საქმეებს, ჯერ მარტო იმიტომ რომ ამ საქმეების წარმოება მიწის დამუშავებლებისაგან დახმარებას მოითხოვს წყლისა და მათ მიწაზე საქმის წარმოების გადაწყვეტის მხრით. (ნებითი იქნება ეს გადაწყვეტილება თუ ძალდატანებითი).

ხარჯთ-აღრიცხვა გვიჩვენებს, რომ მიწათ-გაუმჯობესების განყოფილების მიერ 1914 წლისათვის ნათხოვნი 13 ნახევარ მილიონი მანეთიდან 6 ნახევარ მილიონ მანეთამდე მეტი, ე. ი. ნახევარის ოდენა ფული გადადებულია თურქისტანისა, ამიერკავკასიისა და ციმბირისათვის, უმთავრესად მეზამბეობის რაიონების მორწყვის მოსაწყობად. ევროპის რუსეთის მიწების დაშრობისათვის და მორწყვისათვის კი თხოულობენ მხოლოდ 4 ნახევარ მილიონ მანეთსა.

უფრო მეტად უცნაური გამოჩნდა ამ გვარივე, — განაგრობს ისევ მომხსენებელი, — 150 მილიონიან ფონდის განაწილება; ამ ჯამიდან უწყებას განზრახვა აქვს შუა აზიის (ტრამალიან ოლქებში) და ამერ-კავკასიის მეზამბეობის მიწების მოსარწყველად 62 მილიონი გადადოს, ევროპის რუსეთისათვის კი — 35 მილიონი მან. უნდა აღნიშნოთ ისიც, რომ ჩვენი ქვეყნის საერთო მელორაციულ საქმეებთანა შორის განაპირა ქვეყნების მორწყვას მეზამბეობის განვითარებაში პირველი ადგილი არ უჭირავს.

მთავრობა თავის კანონ-პროექტით 62 მილიონ მანეთის დახარჯვას აპირობს თურქისტანისა და ამიერ კავკასიის მიწების მორწყვის მოსაწყობად და ის კი სრულიად ავიწყდება, რომ აქვე პეტერბურ-

გის მიდამოებში ვრცელი დაქაობებული ადგილებია, რომ ჩერნიგოვის გუბერნიაში 375 ათასი დესეტინა ადგილი სულ ქაობებს უჭირავთ, სადაც უკიდურესი მიწის ნაკლებობაა, საიდანაც ხალხი არამც თუ ციმბირში, ამერიკაშიაც კი გარბის, და სადაც დაშრობას განსაკუთრებული მნიშვნელობა ექნებოდა.

ამგვარი გეგმა განა შესაძლოა, რომ სწორე გეგმად ჩაითვალოს? ეს 150 მილიონი მანეთი ისე უნდა განაწილდეს, რომ შესამჩნევი გავლენა იქონიოს საერთოდ ჩვენი სოფლის მეურნეობის ფეხზე წამოყენებაზე; ამისათვის საჭიროა, გადატანილ იქმნეს ხარჯთ-გაღების უმთავრესი ძალა მრავალ მილიონ უვარგის მიწაზე, რომელიც მდებარეობს მქიდროდ დასახლებულ ევროპის რუსეთში, თურქისტანისა და ამიერ კავკასიის უდაბნო ადგილების მორწყვა კი, რომელსაც არსებით მნიშვნელობა არა აქვს, უნდა მეორე რიგის მიზნად იყოს დასახული.

ზ. კაცენელენბაუმი ასე ათავებს თავის მოხსენებას: „მიწათ-გაუმჯობესების განყოფილების 1914 წლის ხარჯთ-აღრიცხვის განხილვამ ამგვარად ჩვენ რაოდენადმე მოულოდნელ დასკვნამდე მიგვიყვანა, რომ თუ თავი დავანებებთ მეზამბეობის რაიონების მორწყვის საქმეს, რომელსაც მარტო ადგილობრივი და საერთოდ მეორე ხარისხიანი მნიშვნელობა აქვს, თუ თავს დავანებებთ აგრედვე მიწათ-მოსწყობის რაიონების საქმეს, როგორც მეორე ხარისხიანსვე, აღმოჩნდება, რომ მელორაციებს (ამ სიტყვის საკუთარი მნიშვნელობით) ხარჯ-ათღრიცხვაში ძილიან ცოტა ყურადღება აქვს მიქცეული.“

ჩვენ მოგვყავს ეს ზემო აღნიშნული ციტატები კომპეტენტურ ავტორების მოხსენებიდან, როგორც მეტად საინტერესო მასალა, რომელიც მიუდგომლად იქმნა გაშუქებული სახელმწიფო სათათბიროს წევრების მიერ, და გვინდა ამით ადგილობრივი საზოგადოებრივი აზრი ნორმალურ ჩარჩოებში მოვაქციოთ, რომ ადვილად შესძლოს განზრახული სამელორაციო კრების საფუძვლის და უმთავრეს მიზნების შეთვისება.

მკვიდრი.



# მწუხრის უამნობანი

ლურჯ ზეცასა სარკმლით ვუმზერ, ზეცას ვარსკვლავთ ხელით ნაქსოვს,  
 მაგრამ ფასი მის შევენების დამკარგვია, აღარ მახსოვს;  
 ირგვლივ ბნელა... ციაგთ რკალის ხხივოსნობა არა ნათობს,  
 მზე არ მზეობს, თითქოს თბილა, მაგრამ სითბო თვით არ მათბობს.  
 უცხო ქვეყნად მოწყვეტილი ველარა ვკვრეტ მშობელ მხარეს,  
 მოვკლებივარ მისსა აღერსს, დღეს განვიციდი მეტად ცხარეს,  
 ეჰა, ვარდმა ვით ივარდოს? ზამთრის სუსხზე ვით აჰყვავდეს?  
 კრემლი წამწამს დაულტობდეს, წამწამი კი თვით კრემლს სვავდეს!..  
 ტბილო ხსოვნავ, აგერ შენი სახე ნაზად მოციმციმებს,  
 გეხუტები, შენც მიცინი და თან მასმენ ოქროს სიმებს,  
 შენს საღმრთო თმებს ყელზე ვიხვევ ვით ზამბახი ცვართა მძივებს,  
 ცისკროვნებ და მეც მაცისკრებ, ვექსოვებით მზის ცეცხლ სხივებს!  
 მაგრამ გაჰქერ, გარდავიქმენ კლდის მონაკვეთ მღვიმის კარად,  
 ღვთის ხატებად შენა გასახავ და გველები თავს კამარად,  
 და, ვით მწირი ლოცვად მდგარი ფილაქანზედ თავს სცხებს მარად,  
 ისე გიმზერ მუხლ-მოყრილი, ლოცვას მივლენ ციურ ზარად.  
 აჰა, გულში მოვამწყვდიე, ბასრ კლანჭება მთის არწივი,  
 სისხლით ნელ-ნელ ვასაზღოვებ, მაგრამ არ ვკენეს ბრმად არ ვწივი,  
 უდაბნოდა გარდავიქმენ, ვმოგზაურობ როგორც მწირი,  
 უსიკოცხლოდ მოსიცოცხლე, ბრმა ბედისგან განაწირი.  
 გულის ფიცარს, ვით კუბოს კარს, დამხვევია სევდის ჩრჩილი,  
 მღრუტნის, ყრუ ღრღნა ყურში მესმის, გადმეფარა თავზე ჩრდილი,  
 სადღა ვნახო კვლავ სიამე? სადღა ვნახო ია შლილი?  
 ჭირმან აღრე მისაფაროს ობლობისა პირმშო შეილი.  
 თმა გლეჯით ჰქრის ქარიშხალი და გუნდრუკად ჩემს სულს აკმევს,  
 სასძლოს ხელით ნაქსოვს სამოსს საიდუმლო თალხად მაცმევს,  
 რწმენას მტაცებს, ცხოველ რწმენას, სანთლით გინთებს შენ—ღმერთთა-ღმერთს,  
 და მქენარ ღაწვზე მოაცურებს ათრთოლებულ მის კრემლთა ღვენთს!  
 სიჭაბუკის ქალწულ სიბრძნეს სევდა აცმევს კაბა თხელსა,  
 ყრმა მოვხუციდი. ცად ვერ ვაპყრობ სასოების მთრთოლავ ხელსა,  
 მიდის ღამე... დღე... კვლავ ღამე... ვეთვისები სარეცელსა,  
 ჩემგან შეკრულ წმინდან კუბოს დავაწვეთებ ცხარე კრემლსა.  
 ვინ მომხადოს კრემლთ პირბადე ნიაქარის მქრალ სახოციო!  
 გული გულად ვით ავამყნო, თუ არ უძრავ ჭირთ აღხოცვით?  
 მაგრამ, ეჰა, გაჰქრა ესეც! მის ნაშთს ვმურავ ვალსამოსით,  
 სასოების სასოებას ჩემებრ ვკვალთავ შავ სამოსით!  
 ლურჯ ზეცასა სარკმლით ვუმზერ, ზეცას ვარსკვლავთ ხელით ნაქსოვს,  
 მაგრამ ფასი მის მშვენების დამკარგვია, აღარ მახსოვს,  
 ირგვლივ ბნელა... ციაგთ რკალის სხივოსნობა არა არა ნათობს,  
 მზე არ მზეობს, თითქოს თბილა, მაგრამ სითბო თვით არ მათბობს.

Candide.

ბრიუსელი  
12 ოქტომ. (ახ. სტ.)

(ღმრთობა)





ქართველი თავადაშვილი, ნახატი ეისნერისა.

## ქურნალ-გაზეთებიდან

ეხლანდელმა ომმა გამოიწვია ლაპარაკი ყოველ პატარა ერზედაც კი, რადგან ეროვნული პრინციპი და გრძნობა ლეიტ-მოტივად გადაიქცა მსოფლ-მხედველობათა ბაზარზედ. მხოლოდ ქართველ ერზედ არსად არაფერი იწერება, არც არავინ ახსენებს, გარდა ისევ თვით ქართველებისა. ჩვენ თვითონვე კი მრავალ ლაჟვარდოვან იმედებს ვამყარებთ ამ ომზედ და ეს იმედები სხვა და სხვა ქართველების გამომეტყველებაში, სხვა და სხვა ელფერს იღებს. მოგვყავს ერთი ახალი, ჯერ უცნობი, ორიგინალური იმედი, რომელიც დაბეჭდა ვინმე „ვანო ზირბიტელმა“ (?) „რუსკ. ვედომოსტში“:

### ომი და ქართველები.

საქართველოს ბჭეზედ ომი იწყება. ოსმალებმა

მტრული მოქმედება დაიწყო რუსეთისადმი. ზარეულად არ უხდებათ ქართველებს ოსმალებთან ბრძოლა. მრავალ საუკუნეთა განმავლობაში, საქართველო იგერიებდა ოსმალებს და იწრთობდა ბრძოლაში. ხშირად და ბევრს განიცდიდა საქართველო ოსმალებისგან, მაგრამ ხშირადვე ოსმალს ჯარი და მარცხებული იყო და უკუძნეული.

საუკუნეთა მსვლელობაში საქართველომ ბრძოლით შეინარჩუნა ხელუხლებლად თვისი სახეუკი — დამოუკიდებლობა, ენა, სარწმუნოება და ჩაბარათვისი ბედი რუსეთს. ას წელიწადზედ მეტია ქართველები მონაწილენი ივენუნ რუსეთის ომისა ოსმალებთან და ეხლაც, ახალ ომში, ღვთის და გამარჯვების იმედით ქართველები სიამაყით გრძნობენ, რომ მათ სამშობლოს უხდება ბრძოლა რუსეთის წინა რიგებში. მაგრამ ამ ომს ქართველებისათვის სხვა დიდი აზრიც აქვს. მთელი საქარ-



თველო არ შედის რუსეთის იმპერიაში: მთელი სამხრეთი ნახილი შავი ზღვისა ტრანზიზონამდე დასასხლებულაა ჯაზებით. ისინი ქართველები არიან დიდი ხნიდანვე ჩამოშორებულნი საქართველოს ოსმალეთისკან. ისინი უკვე გამაჰმადიანებულნი არიან, მაგრამ ქართველებად დარჩნენ, რადგან შეინახეს ენა, ჩვეულებანი და სხ. მათ არა ერთხელ მოუგონებიათ თავიანთი თავი ქართულ შრესში.

ესა მათთვისაც დადგა საათი, როდესაც მთელი ქართველობა შეერთდება ერთ ოჯახად. დღეს ისინი ოსმალეთის ქვეშევრდომნი არიან, და სვალ ქართველ ხატრიოტებად დარჩებიდნი, — ისინი რუსეთის ერთგული მოქალაქენი იქნებიან...

## ნ. ნიკოლაძის წერილი

1877 წლის თარიღით ძველ გაზეთ „დროებაში“ შემდეგი წერილია დაბეჭდილი ნ. ნიკოლაძისა. წერილი გამოწვეულია მაშინდელ რუს-ოსმალეთის ომის გამო და მცხოვრებთათვის ეხლაც არ არის ინტერესს მოკლებული

ესლა ჩვენ იმაზე უნდა დავფიქრდეთ, თუ მომავლის ომის დროს როგორ უნდა მოიქცეს ჩვენი საზოგადოება.

— „ამას რაღა ფიქრი სჭირიაო — იტყვის მკითხველი, — განა საქართველო ომში გამოუცდელიაო, განა ჩვენ ან ჩვენ წინაპრებს ომი არ უნახავსო, განა ჩვენში ყველამ არ იცის, რომ ომის დროს კაცი მაღეკურს ხელი უნდა გაუსვას და მტერს კულით ქვა ასროლიოსო!“

მართლაც, უწინდელ დროში, როცა ჩვენ ქვეყანას მტერი მოადგებოდა, ჩვენში ყველანი იარაღს ხელს ჰკიდებდნენ და მტერს თავზე ესხმოდნენ. კაცი და ქალი, დიდი და პატარა, მოხუცი და ბავშვი, მღვდელი და ერის კაცი — საზოგადოთ ბრძოლაში ყველა მონაწილეობას იღებდა. ვისაც იარაღის ხმარება არ შეეძლო ის ჯარს საზარდოს უზიდავდა, ან მტერს გზებს უხდენდა, ანა და მისგან დაკავებულ სოფლებს ცეცხლს უკიდებდა. გაქცეულს მტერს კი ხომ, მთელი ქვეყანა თავზე ესხმოდა ასაკლებლად და გასაგლეჯად.

იმ დროს ომი ისეთი ბრძოლა იყო, რომელიშიაც პირდაპირ მონაწილეობას იღებდა ორივე მოწინააღმდეგე ხალხი: მთელი ერთი ხალხი მთელ მეორე ხალხს შეეტაკებოდა. დედაბერზე უარესად ითვლებოდა მაშინ, ორივე ხალხის თვალში, ის, ვინც ომს ერიდებოდა, და ომში პირდაპირ მონაწილეობას არ იღებდა.

ესლა კი ომი სულ სხვანაირ სურათს წარმოადგენს. ესლა ომი დუელია ორ სახელმწიფოს შუა. ორივე ხალხი გზავნის საბრძოლველად თავთავის ჯარს, და ომში მარტო ამ ჯარებმა უნდა მიიღონ მონაწილეობა.

1874-ში ჩვენმა ხელმწიფემ ისურვა ხალხისათვის ომების სიმძიმის შემსუბუქება. ამ განზრახვით ჩვენმა მმართველობამ მოიწვია ბრიუსელში კონფერენციაზე ყველა სხვა სახელმწიფოების წარმომადგენლები, და წარუდგინა მათ გასასინჯველად მისგან შედგენილი „პროექტი ომის კანონების და ჩვეულებისა.“ ევროპელი სახელმწიფოების წარ-

კვირას 12 საათზედ ახალ კლუბში დანიშნული იყო კრება ქ შ. წ.-კ. გ. საზოგადოებისა და რაღაც უცნაურობის გამო გადადებულ იქნა შემდეგი კვირისათვის. თუმცა საზოგადოება ბლომად დაესწრო და კიდევ მეტი იქნებოდა, რომ ნახევარი საათი შეეცადნათ ამხანაგობა „ქართლის“ კურთხევიდან მოსულ ხალხისათვის. ასეთი უცნაურობანი, საუბედუროდ ბევრია ჩვენს საზოგადოებრივ ცხოვრებაში.



ოსმალელი მილიციონერი



მომადგენლებმა გასინჯეს რუსეთის პროექტი, შესწორეს. შეავსეს, და შეადგინეს საზოგადო „დეკლარაცია“, რომელიც დღეს თითქმის ყოველგან კანონად ითვლება. ეს დეკლარაცია, რომელსაც ეწოდება „ბრიუსელის დეკლარაცია 27 აგვისტოს 1874 წლისა“, თავის დროს გამოცხადებული იქმნა რუსეთში, მმართველობის მხრით, „Правительственный вѣстник“-ში. დღეს ჩვენ საჭიროდ ვრაცხთ გავასწინოთ ჩვენ საზოგადოებას ამ დეკლარაციის ზოგიერთი მუხლი.

დედა აზრი ამ დეკლარაციისა იმაში მდგომარეობს, რომ ჯარი, რომელიც შედის მოწინააღმდეგეს ქვეყანაში, არ უნდა შეეხებოდეს არც მშვიდობიან ხალხს, არც კერძო პირების ქონებას. ამ ჯარს უფლება აქვს დაიკავოს მხოლოდ ის, რაც თვითონ მმართველობას ეკუთვნოდა: ხაზინის ფულები, არსენალები, იარაღი, ყაზარმები, და აგრედვე რკინის გზები, თოფ-იარაღის ქარხნები, რომელნიც სხვა და სხვა საზოგადოებათ ეკუთვნიან. სასწავლებლები, ჰოსპიტლები, ეკლესიები და სხვა ამგვარი კაცთ-მოყვარე ან სამეცნიერო დაწესებულებანი, თუნდა მმართველობის საკუთრებასაც შეადგენდნენ, მაინც ხელუხლებლად უნდა დარჩნენ, ისევე როგორც საკუთრება ქალაქებისა, სოფლებისა და კერძო პირებისა (მუხლი 6, 7 და 8).

მეომრათ იცნობა ის პირი, რომელიც ეკუთვნის მეომარ ჯარს. მილიცია (ოპოლჩენიე) და ვოლონტერების რაზმები მარტო იმ შემთხვევაში იცნებიან მეომრად

ა) როცა იმათ მოთავეთ ანუ უფროსათ იმისთანა პირი ეყოლებათ, რომელიც პასუხისმგებელი იქმნეს თავისი ხელქვეითების მოქმედებისა;

ბ) როცა იმათ მითვისებული ექნებათ ისეთი ფორმის ნიშანი, რომელიც შორიდან ადვილად გასარჩევი და დასანახი იყოს;

გ) როცა იმათ იარაღი აშკარად, და არა დამალულად ექნებათ დაკიდებული;

და დ) როცა თავიანთ სამხედრო მოქმედებაში ისინი მტკიცედ დაიცვენ ომის (ესე იგი დეკლარაციის) კანონებსა და ჩვეულებას (მუხლი 9).


მარტო ამ გვარი პირები ითვლებიან მეომრად, და მარტო მათზე ვაგრცელდება „დეკლარაციის“ დებულება სამხედრო ტყვეებზე. ყოველი პირი, რომელიც ჯარს ან ამგვარ მილიციას არ ეკუთვნის, და ისე ომში ვაერევა, ან გზას წაახდენს, ან ტელეგრაფს, ან ჯარს ეწინააღმდეგება, ან სხვაფრივ როგორმე გამოიჩენს ბრძოლის სურვილს, სასტიკად და განურჩევლად ადგილზევე დასჯილი იქნება...

„დეკლარაციას“ მარტო ერთ შემთხვევისთვის პატივი უტია, და მარტო ერთის მხრით მიუტია ხალხისთვის ბრძოლაში გარევის უფლება. აი რას ამბობს დეკლარაციის მეათე მუსლი: „მცხოვრებნი ჯერ კიდევ დაუკავებელი მხარისა (ადგილისა), რომელნიც მტერის მოახლოების დროს თავის ნებით დაიარაღდებიან მტერის საწინააღმდეგოდ, და რომელნიც, თანახმად მეცხრე მუხლისა, მომზადებას ვერ მოასწრებენ, უნდა ჩაითვალოს მეომარ მხარედ, თუ კი ისინი ომის კანონებს და ჩვეულებას მტკიცედ დაიცვენ“.

დანარჩენი მუხლები ბრიუსელის დეკლარაციისა შეეხება სხვა-და-სხვა წვრილმან შემთხვევას. ჩვენთვის კი აუცილებლად საჭიროა დავიხსოვოთ ის მუხლები, რომელნიც ზემოდ ვაღმოვთარგმნეთ. ეხლა, ამ მუხლებიდან, ჩვენ აი რა დასკვნა უნდა გამოვიყვანოთ.

სადაც უნდა იყოს ბრძოლა და ომი, შიგ არავინ უნდა ვაერიოს, ვარდა იმ პირებისა ვისაც ჩვენი მთავრობა მოუწოდებს და რაზმში ჩააყენებს, იარაღის და ფორმის მიცემით.

რკინის და უბრალო გზებს, ხიდებს, ტერეგ-



მტკიცებით გადაზიდვა გერმანულ მძიმე არტილერიისა.



რატს, სამხედრო ბარგს, ჩვენი იყოს, გინდ მტრისა, სრულიად არაფერ უნდა შეეხოს, გარდა იმ პირობისა, რომელნიც ჯარში ჩარიცხულნი არიან.

ვინც ჩვენგანი ჯარში ჩარიცხული იქნება, იმას ნიადაგ უნდა ახსოვდეს, რომ მტრის კერძო საკუთრებას ის ხელს არ უნდა ახლებდეს, თორემ სასტიკად იქნება დასჯილი.

და თუმცა — სტრატეგიული საქროების მიხედვით — მთავრობამ ისურვა ზოგიერთ ჩვენ საზღვართან მახლობელი სოფლების უუჯაროდ დატოვება, ჩვენ ხალხს სრული უფლება აქვს დაიარაღდეს და რაზმად ჩადგეს იმ განზრახვით, რომ წესიერება დაიცვას და მტერს წინააღმდეგობა გაუწიოს, ავ ცარცვის ნება არავის მისცეს. მაგრამ ამ შემთხვევაშიაც საქირო იქნება, რომ დაიარაღებულმა ხალხმა რამე ფორმის ნიშანი მიიღოს და თავი-კაცები აირჩიოს, წესიერების დამკველად, რაზმის გასაწვთრნელად და „ომის კანონების და ჩვეულების“ მტკიცედ შესანახავად.

ერთი საზოგადო კანონიც ყველამ გულში ღრმად უნდა ჩაინერგოს: ომიანობის დროს ცარცვა და გლეჯა, ჯარის ან კერძო-პირობის საკუთრების შეხება, სამხედრო ამბების მიტან-მოტანა ითვლება ისეთ საშინელ დანაშაულად, რომლისთვისაც დამნაშავეებს ოც-და ოთხი საათის განმავლობაში სიკვდილით სჯიან. ჩვენი ხალხი ყოველ ამნაირ საქციელს მარტო სიკვდილით დასჯის შიშის გამო კი არ უნდა ერიდებოდეს: ამგვარი საქმეები სანიადაგოთ თავსა სჭირან მთელს ხალხს, და საზიზღარ სახელს უგდებენ მთელს ქვეყანას დანარჩენ დედამიწაზე. ყოველს ქართველს მტკიცედ უნდა ახსოვდეს რომ ომის დროს მთელი ევროპის ყურადღება ჩვენ ქვეყანაზე აქნება მიქცეული. როგორც რუსეთის, აგრედვე ევროპის თვალში ჩვენი ხალხი უნდა გამოჩნდეს მხნე, პატიოსანი და რაინდულ ხალხად, იმისთანად, რომელიც პატივისცემის ღირსია სამხედრო მამაცობისათვის, და ხეირიანი განწყობილების ღირსია მოქალაქობრივი პატიოსნების და წესიერების დაცვისათვის. ერთი სიტყვით, ნუ დაივიწყებთ, რომ ჩვენი ქვეყნის სახელი, სიკეთე და მომავალი ჩვენს საკუთარ საქციელზეა დამოკიდებული. ნუ შევირცხვენთ დღემდე პატივცემულ სახელს, ნუ გაურევთ ბრძოლაში ნურც ავაზაკობას, ნურც სიმხდალეს; ნუ ვეძებთ პირად სარგებლობას, ნუ დაივიწყებთ ურთი-ერთის დახმარების საქიროებას, ნუ დავიშალვით სორაში: მაშინ ჩვენი გონიერი, წესიერი და პატიოსანი საქციელი მალე ას-

წვეს საქართველოს სახელს, და მტერსა და მოყვარეს დაანახვებს. რომ ჩვენი ხალხი სიყვარულის, პატივისცემის, მორიდების და კეთილ-დღეობის ღირსია.

ვიმეორებთ, რადგან დღეს, ომი თუ იქნა, მთელი ქვეყნის ყურადღება ჩვენ ქვეყანაზე და ხალხზე იქნება მოქცეული, ჩვენი მამულის ყოველმა ერთგულმა შეიღმა ყველაზე უფრო იმაზე უნდა იზრუნოს, რომ მთელმა ქვეყანამ საქართველოზე ან ამ გვარი შთაბეჭდილება შეიდგინოს და ამ გვარი აზრი იქონიოს... („ახალი ივერია“).

## ბ-ნ ნ. დუბროვსკის

ჩვენ სირცხვილად კი არ მიგვაჩნია, ვამაყობთ იმით, რომ ნაციონალისტები ვართ და თუ ამ ნაციონალისტობაში ბნნი დურნოვსკები ობიექტივიზმის დამარხვას ხედავენ და ჩვენი სალი ნაციონალიზმის და „რუსკოე ზნამიას“ სულისკვეთების შორის განსხვავებას არა გრძნობენ — სრული უფლება გვაქვს ვიფიქროთ, რომ დუბროვსკიც იმ ბანაკშია, რომელსაც სურს არა სოლიდარობა, არამედ გათქვეფა ერებისა. სოლიდარობა შესაძლებელია **ცალკე** პიროვნებათა და ორგანიზმთა შორის, მაშინ როდესაც გათქვეფა გულისხმობს აღრევას და საერთო ორგანიზმის შექმნას. ბნმა დუბროვსკიმ ამ მთავარ საკითხზედ პასუხი არ გავცა და დიდი წერილი იმას მოანდომა, რომ საკინკლაო ფრაზეტს გამოუდგა, რაც მის არა შესაფერებელ საქმედ მიგვაჩნია. როგორც ობიექტიურს და დარბაისელს აღიმიანს, მას არ უნდა გაემწვაებინა ის მდგომარეობა, რომლის წინააღმდეგაც იბრძვის. თორემ აბა რა სათქმელია მაგ. ასეთი ფრაზა: „კლდეს“ არ შეუძლიან მოიყვანოს არც ერთი ისეთი საბუთი სომხების წინააღმდეგ, რომელიც არ მოიპოვებოდეს „ნოვოე ვრემიას“ არსენალში“. ჯერ ერთი ეს უბრალო ლანძღვაა; „ნოვოე ვრემიასთან“ შედარება და ლანძღვა საბუთი არ არის და მეორეც სომხების წინააღმდეგ კი არ იყო ჩვენი „შვიდი კაპიკი“, არამედ იმ ქართველების წინააღმდეგ, რომელნიც ფულად ჰყიდიან თავის ქართველობას. ჩვენ არ გვინდა დავასახელოთ ეს ჰირები, რადგან დაუსახელებლადაც კარგად იციან თვითონ, ვინც არიან. მეორე ხაზგასმული თავის მართლება ბ-ნ დუბ-



როგორც იმაშია, რომ იგი თურმე ამბობდა, რომ ნაციონალისტები და შოვინისტები გამოდიოდნენ **ერთიერთმანეთის წინააღმდეგ**, მაშასადამე მე ვლასარაკობდი ორივე მხრის შოვინისტებზე. ბ-ნ დუბროვსკის ტყუილად ავიწყდება, რომ დიდი მნიშვნელობა იმას კი არა აქვს მხოლოდ, თუ რას ამბობს ადამიანი, არამედ უმთავრესად იმასაც თუ **სად, როდის და რაზედ** ამბობს ამას. და პირველ ჩვენ წერილშიაც სწორედ ამას მივაქციეთ ყურადღება. იგი სწერს შოვინიზმზედ სომხურ გაზეთში და ამის გადათქმას ქრისტეღმერთიც ვერ მოახერხებს, იგი სწერს მაშინ, როდესაც ჩვენი წერილი პასუხი იყო ზოგიერთი სწორედ „კავკ. სლოვოს“ შოვინისტური და უარესი ამბებისაც, რომელთაც სამხედრო ცენზურამ ყადაღა დაადგა და მესამეც, დუბროვსკიმ მიზანში ამოიღო ჩვენი, „შიდი კაპიკი“ ღუნდა დაარწმუნოს მკითხველები, რომ ეს თურმე ერთიერთმანეთის წინააღმდეგ გამოსულ სომხის და ქართველი შოვინისტების დასაგმობი წერილი იყო.

ამას დაევიკრებდით მაშინ, როდესაც ბ-ნი დუბროვსკი გაჩერდებოდა თავისი წერილის საზოგადო მოსაზრებათა ნაწილზედ და არ ჩაურევდა სიტყვას კონკრეტულად არსებულ „შიდი კაპიკზედ“, —სიტყვას, რომელიც „ერთი კოვზი კუპრიით“ სკნს აძლევს დუბროვსკის წერილის მთელ ობიექტიურ თავლს.

შემდეგ დუბროვსკი უფრო შორს მიდის და ამბობს, ვითომ ჩვენ ვგმობდით **საზოგადოთ** ქართველების თანამშრომლობას თუნდა სომხურ პრესაში. არა, ბატონო, ეს შეცდომაა, ჩვენ ვგმობთ არა ამას, არამედ იმათ, ვინც ქართულ ინტერესებსა ჰყიდის საზოგადოთ, ითანამშრომლებს იგი სომხურ, ქართულ თუ ჰოტენტოტურ პრესაში—ეს სულ ერთია. თორემ, იმათ, ვინც ჩვენს ინტერესებს იცავს თუნდ იმავე ჰოტენტოტურ პრესაში—ჩვენ ვერ დავგმობთ, ეს თქვენი საკუთარი შეცდომა არის და სხვა არაფერი. ჩვენ ღრმად დარწმუნებულნი ვართ, რომ თვით ბ-ნი დუბროვსკი გულწრფელი კეთილის მსურველია ქართველი ერისა და სწორედ ამან გავაკვირვ, რომ დღეს, როდესაც აღმოსფერა სომეხ-ქართველთა ერთიერთობისა დაწმენდილია, იგი ხმას იმაღლებს და ამბობს, ხაზს უსვამს ქართველების შოვინიზმს, რომელიც მან აღმოაჩინა ჩვენს წერილში „შიდი კაპიკი“, რომელიც თურმე ჩვენ გვარცხვენს. ბ-ნო დუბროვსკი, ქათამი რომ წყალს დაღვეს, ღმერთს შეხედავსო (подойтесь Бог!).

ერთი უცნაურობაც: ჩვენ საბასუხო წერილში

სოლიდრობის **დარღვევა** არ დაგვიწამებია დუბროვსკისა ან „კავკ. სლოვოსათვის“—ეს უბრალო შეცდომაა, ჩვენ ვამბობდით, რომ „კავკ. სლ.“ **აღრვის** პრინციპით ხელმძღვანელობს და არა სოლიდრობისა და ბ-ნ დუბროვსკის ეს **აღრვეა** ალბად **დარღვევად** წაუკითხავს: აქედანვე წარმოსდგება ალბად ისიც, რომ თვით სომხებსაც არ მოსწონთ „კავკავსკოე სლოვოს“. პოზიცია, რადგან ყოველ შეგნებულ ერს შეგნებულად სურს **თვისი** ეროვნული, ინდივიდიალური სახის ჩამოყალიბება და არა ათქვეფა რაიმე საერთო ახალ სახეში.

რ. გ.

## თეატრი და სელოვნება

**განავგრძობთ თუ არა სათეატრო სეზონი.**

აგერ თბი კვირა, რაც ქართ. დრამ. საზოგადოება კრებებს მართავს სათეატრო კითხვების გადასწავლელად. მისგან ახმურებული საზოგადოება უფროს სტუდენტს. წარმოიდგინეთ, მორიგე პოლიტიკურ და სოციალურ კითხვებთან ერთად დღეს დაიდი ინტერესით ეპურება საზოგადოება ქართულ თეატრსაც. თქმა არ უნდა, ეს ამტკიცებს ჩვენს სიფაქიზეს, ჩვენს ესთეტიკას. ეს ერთის მხრით საქებრივ ანის. მაგრამ რადესაც თვალს გადავავლებთ კრებებს, რადესაც დაჭკვდავთ ორატორთა თავშეუკავლობას, ხშირად ეყინილათა კინკლათაშდეგად სულ შეფავსებას, მაშინ უჩებურად ფრთები გვცვივთ, განცვიფრებას ეძლევათ და კეთილებით თავს, ნეტავ ეს ხელსი მოვარადან ხომ არ ჩამოსულან, რომ ერთმანეთისა არ გაკეცათ რა და ან სუთ გაავან. დრამ. საზ. გამგ. თბის წევრნი გააჭრით აცხადებდნენ, ჩვენ აღარ შეგვიძლია სეზონის გაგრძელება რადგანაც ფული არ არისო, ჩვენ ბევრი რამ დამცირება ავიტანეთ, დოკუნის ფარნით ვკეხეთ სადაც კი შესაძლებელი გვეკონა, მაგრამ წვეული ფული ვერსადა ვნახეთ, თითქმის განკებ გვეშლებაო. უფულოდ კი რა გაკეთებულა, რომ ესლა გაკეთდეს? განა არ დავინახეთ, რომ ამ მიზეზების გამოისად თეატრი ვერ დაგვიჩიაკებია ისეთ სელსურელ მართებებში, რომ მსახიობთ ორჯულ რეპერტონების გამართვა შეეძლოთ. თქმა არ უნდა, და ი ვერ შესაძლებს, რომ განზრახული ჰქვას სასურველად დასდგას სტენაზე. საზოგადოებაც ასეთ წარმოგებებით გულს ინტრუის, არ ესწრება და დეფიციტით თავდება თვითეული მთვანით. აი, ბ-ნებო, მთიდეთ წყალობა, მიგვათითეთ, გვანუეთენ



გზა და ჩვენ უფრო დონეს ვიხმართ, რომ სუბონი გავრქველდეთ. მერე რა მოხდა? იმის მაგიერ, რომ ამ კითხვას სერიოზულად ჩავეკვირებოდნენ, მოჭეუნი ბატონო ჩემო, ლახნდვას, ზირად ახვარიშებს. მსახიობნი თავის იქნებ სამართლიან ზრეტუნობას აცხადებდნენ, რომ ახალი გამგეობა ამოვარჩიოთ და ის გვიშველის უფლაფერშია. მაგრამ სად არის გარანტია, რომ ახალი გამგეობაც ისევ დაკუთვნილ გზას არ მიჰმართავს, ვთქვამთ, თუნდა ისევ უბად ადებულ თავად-აზნაურობას; მაგრამ ხომ გამოირკვა, რომ ჩვენს თავად-აზნაურობას ზედმეტის გადაება აღარ შეუძლიან: ახვარიში მომავალ წლის ზირველ იანვრამდე უკვე შესრულებულია. გამოირკვა ისიც, რომ თეატრისთვის საჭირო თანხა უკვე მოხმარებია დანიშნულებას. ესეც არ იყოს, ჩვენ უნდა გავცინოდნა, რომ დღევანდელ მომენტში თვითიული კაპიტილი ძვირფასია, მეტენატობისთვის აღარ სტალიან ხლხს. ვიმეორებთ დღეს, როდესაც ცხოვრებამ უფრო შემზარავი საკითხები წამოაყენა, ვიდრე თეატრია. ხალხი გადატყდა, ხალხი შინ და გარედ შეკლას თხოულობს. და იქ, სადაც კუჭისა და გულის წყლული წამალს ითხოვს, ესტეტიური კითხვები მერე უნდა იყოს დაქრებული. მართლია კომისია იქნა ამორჩეული ფულის საშოვნელად, შეიძლება ისიც, რომ მართლაც საჭირო თანხა იშოვნონ სუბონის გასაგრძელებლად, მაგრამ... სადამდე იქნება ეს „გავრქვება“ ამას ახლო მომავალი დავგვიტკიცებებს. მეორედ, არა ნაკლებ საკულისხმიერა ის ფაქტი, რომ დღე-ღამეობით **არსებულ გამგეობასა და დასს** ერთად მიჰსაბა არ შეუძლიანთ. ეს ცხადი იქნა კრებებიდან. კამათიდან აშკარა შეიქმნა ურთიერთისადმი უნდობლობა გამგეობის თავმჯდომარემ ხომ სულ დაჭკარვა წინასწორობა და უტაქტობით დამსწრები ააღუფა. და საკვირველია, რაში დასჭირდათ კომისიის ამორჩევა ფულის საშოვნელად, როდესაც გამგეობის ერთ-ერთ წევრისაგან ხათლად იყო ხათქვამი: „გინდაც ფული იშოვნოთ, ჩვენ ვერ განვგრძელებთ სუბონსა“. ნუ თუ ეს ფრაზა საკმარისი არ არის, რომ ამ ზირბებში მართლაც, შეუძლებელია სუბონის გავრქვება? უკიდურეს შემთხვევაში თუ მანინა და მანინ არ უნდა იშლიან, ისევ სჯობს გამგეობამ და დასმა სწრაფად ახვარიში გასწორონ, არტისტების სრული დავმყოფილებით და დამოუკიდებელი იმუშონ. დასი თავისით

შეგრძობა ამხანაგობა შეჭქმნას და დრო-გამოშვებით დას-დგას ზიესები, ცოტა, მაგრამ კარგა, ვიდრე რეკულიარულად და აჩქარებული სხით, რასაც არც რეჟისორები და არტისტები უარჯყოფენ: „ჩვენ რა ვქნათ, როდესაც წარმოდგენა ურეპრეტებოდ მოგვიხდაო“ მაგრამ სასოციალურებამაც რა ჰქნას, თუ გაფრთხილი ჯიბიდან ორ გროშს კაილებს და იმის საფასურსაც არა ნახავს?

დიოგენი.

„გადაკრილი მუხა“ ქუთაისში.

ბუერი რამ გვინახავს უნიჭო, უაზრო და თავხედური, მაგრამ ის რაც ქუთაისის თეატრში ვნახეთ 30 დღისობისთვის—უფრო საზღვარს იყო გადაცილებული. ქართულმა დასმა წარმოადგინა „გადაკრილი მუხა“ ბნ შლიკაშვილისა. რამდენადაც კარგი რეჟისორი და გვარაინი, შეგნებული არტისტი ბ-ნი შლიკაშვილი, იმდენად უკბილო და შესაბრაღისი, როგორც „დრამატურგი“ (?). გადაკრილ მუხაზედ წინადაც გვქონდა შენაშენა, მაგრამ მკითხველმა თავისი თვალთ უნდა ნახოს ეს მუხა ქუთაისში, რომ დარწმუნდეს სადამდის მადის დამიანთა უტიფრობა. ეს ზირდაზირ მ სხარად ატდება ქუთაისის საზოგადოებისა და ჩვენ გვიგვირს, რომ ასეთ უზატრონო მდგომარეობაში ჩ ვარდნილა, რომ უფრო რეჟისორს შეუძლიან თავისი ნაღუტი შესთავაზოს. მაგრამ გადავიდეთ თვით ზიესაზე და მის წარმოდგენაზედ. ამ ზიესის დადგმას კიდევ აზრი ჰქონდა ზირველ ხანებში, როცა იგი დაიწერა, ან უკეთ, გადაიწერა და შეკოწიწდა საკაცეთო ფელეტონებისა, წერილებისა და შაბლონად გადაქცეულ აზრებისაგან. იმ აზრებისაგან რომ ინტელიგენცია უნდა სოფელს დაუბრუნდეს, თავისი მამული დაამუშაოს და გაიღუფიან დაიბრუნოს. ეს პატრიკვადები აზრები ცაზეთში, რადაც უშინო, უადგილო და უნათო ლაზარაკად არის გადაქცეული შლიკაშვილის ზიესში. მთელი საათობის განმავლობაში, მათურებული ისმენს „რაცებს“ და კი ვერა ხედავს ვერც მოქმედებას, ვერც ვკანძს, ვერც მსვლელებას, ვერც დასკვნას ზიესისას. შლიკაშვილს მოუგონებია იმისთანა ტიპები, რომელიც უუტყველია მართლ მას უნახავს და ისიც საქართველოში კი არა, არამედ... მისკოფის სამხატვრო თეატრში და..



ჩეხოვის ზიკნებში, მაგრამ ვაი ამ სცოდნობას: ნახვასაც ხომ ჭკუა სჭირია. ძნელი წარმოსადგენია იმაზედ უნიჭოდ შეხანსლილი ადგილები ზიკნში, როცა მაგ. „კატის გამოჭყვავს“ გუბერნატორის სადილიდან მსხმინძელი და ერთ საათს ეარშეუება ბადში. უნდა წარმოვიდგინოთ, რომ ამ დროს გუბერნატორს ზირში ჩაუდვია დოშის ნაჭერი ან კაშინის ხორტი და ლეჭავს, ლეჭავს იმ დრომდის, სანამ ბ-ნი შადიკაძეილი მოარშეუე „წიგვილს“ თავის საქმეს გააკეთებინებს, დააღუჭვინებს საკმაო უაზრო სიტყვებს და ნებას მისცემს გუბერნატორთან შესვლისას. უფლად მოკლეგული უნდა იყოს ადამიანი არამტოუ მხატვრულს ნიჭს, უბრალო ადღასაც, რომ საზოგადოებას აატანინოს ისეთი ტვირთი, როგორიც არის მაკალითად რ. ერისთავის მთელი ლექსი „სამშობლო ხეყსურისა. ეს დიდებული ნაწარმოები სრულიად უადგილოდ ჩავაწიოწიბული ზიკნში და ჰატარა შეგირდის ზირით ნათქვამი თავიდან ბოლომდე, რაღაც უხერხულობასა ჰბადებს მაყურებელში: ერთის მხრით მშეგნიერა სიტყვები და მეორე მხრით მათა უმოქმედო სიტყვიერება არტისტისაც და საზოგადოებასაც არცხევის. არა ნაკლები უნიჭობით არის შეტხზული სხვა ადგილებიც და ნამეტნავად ის ადგილი, როცა უმაწვილი ჩინოვნიკი ცაცა (დმერთო შეკვცოდღე, ასეთი არსად შეკვცხედრია) სიყვარულს უცხადებს გარყვნილ კატოს, რომლის მსგავსი მთელ სასაქართველოში მხოლოდ შადიკაძეილის განებაში შეიძლება იყოს, თუ ამ უკანასკნელსაც საქართველოს ფარტლებში მოვაქტევთ. მაგრამ, როგორც მოსალოდნელია უნიჭობის აზოგეის ვადწევთ უკანასკნელ მოქმედებაში, როდესაც ვეუღა მოქმედა ზირი, ავტორი, ქალი, კაცი ბავშვი და ბებერი, თვით რუსის მუჟიკიც კი ვეუღანი ღაზარაკობენ „გადაჭრილ მუხაზედ“, ვეუღანი ლეჭვენ ერთსა და იმავე აზრს, ვეუღანი თითით, ვახათ, ხეღით, ფეხით და რითაც ცნებავთ უთითებენ მუხის კუნძლზედ და ავანებენ მაყურებელს, ერთი-ერთმანეთის და ავტორს, რომ ეს არის სიმბოლო საქართველოს ცხოვრებისა. მუხის ძირი, ფესვები, ტოტები ძველი და ახალი, მუხის ქერქი, გული, ფათოლი და მგონი ფათლის ძარღვებიც არ გადაჩნა შადიკაძეილს შეუმნეველი, რომ „იდიოტად დასასულ“ საზოგადოებას არ ეგონოს რომ „გადაჭრილი მუხა“ რაღაც სხვა არის—არა—ეს ნამდვი-

ლი საქართველოს ბედის სიმბოლოა, მისი დამასურათელებელი კუნძი. ასეთი გადაჭარბებული ღაზარაკი და კიდევ ღაზარაკი მუხის მნიშვნელობაზედ, მის დარკვაზედ, გაზრდაზედ, შეეღვავზედ და სხვა საეკეთესო მახეგნებელია იმ უშინაარსობისა, რომლის შეკრებასაც აზირებდა ავტორი ზუბლიცისტიკის ნაგლეჯებიდან.

დასასრულ ორიოდ სიტყვა წარმოადგენსზედ. დიდი და ნიჭიერი არტისტი ვ. მესხიშვილი (ლეკან), ღვთის ნაშერწვილიანი იშხელი (მოურავი), თვით შეკნებული და გაწვრთნილი შადიკაძეილი (გოლა) ერთის მხრით,—და ნიჭიერი, მაგრამ ვწვრთნელი დავითაშვილი (კატო), დამსხურებული კუნია (დგორნიკი და თავადი). შესმნილ ნიჭიერი მგალობლიშვილი (ცაცა) და უფლად უბადრუკი და სცენასზედ არ გამოსაშეგბი მარგარიტა გოგოლაშვილისა (გოლას ცალი)—მეორეს მხრით,—ერთხაირად უშინანი და უმსგავსნი იუკენ იმ უღბ მდგომარეობაში, რომელშიც ჩაუენა ავტორმა და რეჟისორმა საზოგადოებას წინაშე. ჩვენ გვიგვირს, ავტორის თავმოყვარეობა თუ იმდენად ძლიერია, რომ გადასძლას დრამატიულ საზოგადოების, არტისტიულ დასის და ცაღკე არტისტების სურვილი,—თუ თუ თვით ქუთათურ საზოგადოებაში არ მოიბზევა იმდენი საზოტრესტო ძაღა, რომ ამ შეუფერებელ, ანტიმხატვრულ და ანტი-ესთეტიურ სიბრძნე-სინდრეს გუღამდგრეული პროტესტით შეხედოს?

რ.ე.

რედაქტორ-გამომცემელი

რ. გაბაშვილი.



მიიღება ხელის მოწერა 1914 წ.

ქოველ კვირულ საზოგადო-ეკონომიურ


და სალიბერატორო შუხნალ

„კლდე“-ზედ.

ფასი წლის ბოლომდის თვრამეტი შაური.

ცალკე ნომერი ყველგან 10 კაპ.

მოიკითხეთ ეგელა მეგაზეთესთან



თბილისში გაზეთი

# „ახალი ქართლი“

გამოდის ქ გორში, კვირაში ორჯელ—სუთმბათობით და

კვირაობით. ცალკე ნომერი ღირს ერთი შაური. დაკვეთით წლის დამოღვამდე ერთი მანეთი. ხელის მოწერა მიიღება: ივ. ავალიშვილთან, წერა-კითხვის გამავრცელებელ საზოგადოების მაღაზიაში და გაზეთის თბილისელ აგენტთან ვიქ. მექანარიშვილთან, დოშეთის ქუჩა № 31.